

LUTRIJA BOSNE I HERCEGOVINE d.o.o.
UPRAVNI ODBOR

Na osnovu člana 16. Zakona o igrama na sreću („Službene novine FBiH“ br.1/02. i 40/10.), i člana 13. Statuta Lutrije BiH („Službene novine FBiH“ br.43/03), Upravni odbor Lutrije Bosne i Hercegovine, na sjednici održanoj dana 09.01.2014. godine, donio je

P R A V I L A
novčane srećke " SVJETSKO 2014 ”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke „SVJETSKO 2014“ (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke "SVJETSKO 2014".

Ugovor iz stava 1. ovog člana zaključuje se između Lutrije Bosne i Hercegovine, d.o.o. (u daljem tekstu: Priređivač) i učesnika u ovoj igri, na osnovu prihvata općih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „Svjetsko 2014“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na srećki. Rok prodaje srećke može se produžiti odlukom generalnog direktora Priređivača.

Odluku o puštanju u prodaju donosi generalni direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 11. Ovih Pravila).

Srećka glasi na donosioca.

4. PRAVO UČEŠĆA U IGRI

Član 6.

Pravo učešća u izvlačenju nagrade Putovanje na Svjetsko prvenstvo u Brazil, imaju sva fizička lica osim uposlenika Lutrije BiH.

5. PODRUČJE PRIREĐIVANJA IGRE

Član 7.

Srećka se priređuje na području Federacije Bosne i Hercegovine

6. POJEDINAČNA CIJENA SREĆKE

Član 8.

Cijena jedne srećke je 1,00 KM

7. KOLIČINA I NOVČANA VRIJEDNOST EMISIJE SREĆKE

Član 9.

Srećka se emituje u seriji od 500.000 (petsto hiljada) komada srećaka. Novčana vrijednost emisije srećaka iznosi 500.000,00 KM (petsto hiljada konvertibilnih maraka).

8. VISINA FONDA I VRSTE DOBITAKA

Član 10.

Fond dobitaka iznosi 65% od emisione vrijednosti, ili 325.000,00 KM, a iznos se dijeli na 160.520 dobitaka.

Fond dobitaka serije se raspoređuje po slijedećem planu:

Komada	Dobici	Iznos
20 x	1.000,00 KM	20.000,00 KM
500 x	100,00 KM	50.000,00 KM
5.000 x	10,00 KM	50.000,00 KM
50.000 x	2,00 KM	100.000,00 KM
105.000 x	1,00 KM	105.000,00 KM
160.520 komada		325.000,00 KM

Vrste dobitaka su:

- 1 pobjeda = 1,00 KM
- 2 pobjede = 2,00 KM
- 3 pobjede = 10,00 KM
- 4 pobjede = 100,00 KM
- 5 pobjeda = 1.000,00 KM.

9. OPIS SREĆKE


Član 11.

Srećka je pravougaonog oblika, a štampana je u samo jednoj varijaciji.

a) Prednja strana srećke sadrži:

- Naziv srećke „Svjetsko 2014“;
- Logo Lutrije Bosne i Hercegovine;
- Cijena srećke;
- Slika koja predstavlja fudbalskog igrača sa fudbalskom loptom.
- Kolone označene sa natpisom “MI” i ONI” ispod kojih se nalazi po pet (5) emulzija prekrivenih sivo-cрном scratch-off emulzijom u obliku fudbalskih lopti. Ispod svih deset (10) emulzija u obliku fudbalskih lopti se nalazi po jedan od znakova sa brojevima 0, 1, 2, 3, 4, 5.
- Polje sa uplatnom šifrom u brojčanoj i bar kod formi;
- Polje prekriveno emulzijom sa natpisom „ne skidaj“.
- Tekst: “Ukoliko niste ostvarili novčani dobitak ispunite podatke na poledini srećke. Srećku ubacite u kutiju i možete osvojiti putovanje na Svjetsko prvenstvo”.
- Tabelu dobitaka igre pod nazivom “DOBICI” u kojoj je naveden sljedeći raspored dobitaka:
 - 1 POBJEDA 1 KM
 - 2 POBJEDE 2 KM
 - 3 POBJEDE 10 KM
 - 4 POBJEDE 100 KM
 - 5 POBJEDA 1.000 KM

b) Poledina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo WLA – Certified Security Control Standard;
- Logo ISO 27001 – TUV NORD
- NOVČANI DOBITAK: “Ukoliko se nakon skidanja emulzije sa znakova  pojavi veći broj sa lijeve strane u koloni “MI” u odnosu na kolonu “ONI” onda ste ostvarili pobjedu. Ukoliko ogrebite jednu ili više pobjeda, ostvarili ste dobitak u vrijednosti predviđenoj rasporedom na prednjoj strani srećke”.
- Tekst: “Ukoliko se nakon skidanja emulzije ne ostvari novčani dobitak, potrebno je ispuniti podatke u predviđena polja na poledini srećke i srećku ubaciti u kutiju na uplatno-prodajnim mjestima Lutrije BiH (obavezna polja su IME I PREZIME, TELEFON, ADRESA). Takve srećke učestvuju u izvlačenju 1x Putovanje na Svjetsko prvenstvo u Brazil 2014. godine. Izvlačenje će se održati u mjesecu maju u okviru TV

izvlačenja. Pravo učešća imaju sve srećke koje se nađu u kutijama do 15.05.2014. godine. Dobitak se obezbjeđuje iz fonda neisplaćenih dobitaka.

- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“.
- EMISIJA: 500.000 SREĆAKA, EMISIONA VRIJEDNOST: 500.000,00 KM.
- FOND DOBITAKA iznosi 65% od emisione vrijednosti ili 325.000 KM.
- PLAN DOBITAKA
- PRIREĐIVAČ: Lutrija BiH d.o.o, Ul. Mehmeda Spahe 11., 71000 Sarajevo.
- Datum prodaje je otisnut na srećki.
- Podaci o dobitniku, za oporezive dobitke/za učešće u izvlačenju: Ime i prezime, adresa, telefon, JMB.

10. UTVRĐIVANJE DOBITAKA

Član 12.

Igrač ostvaruje dobitak ukoliko se nakon skidanja svih deset emulzija sa znakova



ispod kolona sa natpisom “MI” i “ONI” pojavi veći broj sa lijeve strane u odnosu na desnu stranu (Broj sa lijeve strane mora biti veći od broja koji se nalazi na istoj horizontalnoj ravni sa desne strane). Ukoliko se pojavi veći broj sa lijeve strane u koloni “MI” u odnosu na kolonu “ONI” onda igrač ostvaruje pobjedu. Ukoliko igrač ostvari jednu ili više pobjeda, ostvaruje dobitak u vrijednosti predviđenoj rasporedom na prednjoj strani srećke.

Ukoliko se nakon skidanja emulzija ne ostvari novčani dobitak, igrač može ispuniti svoje podatke na poledini srećke i srećku ubaciti u kutiju na uplatno-prodajnim mjestima Lutrije BiH.

Pravo učešća imaju sve srećke koje se nađu u kutijama do 15.05.2014. godine. Takve srećke učestvuju u izvlačenju 1 x Putovanje na Svjetsko prvenstvo u Brazil 2014. godine.

Izvlačenje dobitnika će se održati u mjesecu maju u okviru TV emisije a objavit će se na internet stranici Priređivača.

Dobitak se obezbjeđuje iz fonda neisplaćenih dobitaka. Porez na dobitak snosi Lutrija BiH iz vlastitih sredstava.

Nagrada Putovanje na Svjetsko prvenstvo u Brazil realizovat će se shodno uslovima aranžmana iz Ponude turističke agencije sa kojom Lutrija BiH ima poslovnu saradnju. Nagrada nije zamjenjiva za novac.

Rok za preuzimanje ove nagrade je 7 dana od izvlačenja.

Obavezni podaci na poledini srećke za ovu nagradu su ime i prezime, adresa i broj telefona.

Član 13.

Ukoliko je dobitnik nagrade Putovanje na Svjetsko prvenstvo u Brazil maloljetna osoba, nagradu preuzima u prisustvu roditelja ili člana uže porodice.

Ukoliko dobitnik nagrade Putovanje na Svjetsko prvenstvo u Brazil iz bilo kog razloga ne može da putuje, pravo na putovanje može prenijeti na drugu osobu uz njegovu pismenu saglasnost, temeljem ovih Pravila, a u dogovoru sa turističkom agencijom.

Dobitnik nagrade Putovanje na Svjetsko prvenstvo u Brazil 2014.godine se slaže i daje безусловnu saglasnost da Priređivač može bez bilo kakve dodatne nadoknade i posebne saglasnosti koristiti njegovo/njeno ime i prezime u promotivne svrhe.

11. NAČIN I ROK ISPLATE NOVČANIH DOBITAKA

Član 14.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 12. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 15.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 16.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača .

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

12. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

13. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednom od sredstava javnog informisanja.

Broj:01-25-63-1/14
Dana: 09.01.2014.god.

PREDSJEDNICA
Ivana Bunoza, s.r